



九天玄姆治心消孽真經



護國九天宮  
忠孝堂

恭印

# 黃帝之師 九天玄姆娘娘



九天玄姆娘娘授軒轅黃帝神符、紫符祕文，及太乙遁甲、六壬步罡之術，並傳三官五意陰陽之略、靈寶五符五勝之文、兵符印劍等物，滅蚩尤於涿鹿而大定四方，受封誥為「太玄國師 護國保帝 九天玄女元君」，歷代帝王祈天祭儀，皆列其神位而奉祀，以彰顯其護國祐民之德澤。

持誦儀則

凡受持者。每日晨起盥漱。肅整衣冠。焚香禮拜。然後朗誦。字句分明。心誠意淨。莫外他想。亦莫交談。虔誠跪請。

發鑪讚

虔誠然爇。寶鼎真香。列聖遙聞會道場。彩雲靄吉。

祥。心正意殷。諸真現金容。皈命

大聖香雲浮蓋大天尊。三稱叩。

水讚

先天真水。淨洗靈臺。楊枝一滴灑塵埃。凡境即蓬

萊。滌穢消災。香林法界開。皈命

蕩魔解穢大天尊。三稱叩。

香讚

香焚寶鼎。炷達先天。威光烜赫。接祥煙。降鑒此心。

虔。展讀靈篇。擁護仗雷鞭。皈命。

香林說法大天尊。三稱叩。

淨壇讚

清淨之水。日月光開。楊柳枝頭灑塵埃。一滴淨玄。

壇タマ。除穢イヘ除殃イヘ。消災テヒ降吉祥ワラヒ。清泉クニ龍變化リウ

淨塵ヒハ大天尊イハ。三稱叩。

淨口神咒ヒハ

丹朱カマ口神ウツ。吐穢クハ除氛イヘ。舌神ゼツ正倫シツ。通命ツウ養神ヨウ。羅千カサ

齒神シ。卻邪クハ衛真イヘ。喉神ノド虎賁コ。氣神キ引津ヒキ。心神シン丹元タマ

。令我カニ通真ツウ。思神シ鍊液レン。道炁ダウ長存チヤウ。急急キキ如律令ニツ。叩

淨心神咒

太上台星。應變無停。驅邪縛魅。保命護身。智慧  
明淨。心神安寧。三魂永久。魄無喪傾。急急如律

令。叩

淨身神咒

靈寶天尊。安慰身形。弟子魂魄。五臟玄冥。青龍

白虎。隊仗森靈。朱雀玄武。侍衛我身。急急如律令。叩

淨三業神咒

身中諸內境。三萬六千神。動作履行藏。前劫竝後業。願我身自在。常住三寶中。當於劫壞時。我身常不滅。誦此真文時。身心口業皆清淨。急急如律令。叩



安土地神咒

元始安鎮。普告萬靈。嶽瀆真官。土地祇靈。左社

右稷。不得妄驚。回向正道。內外肅清。各安方位。

備守壇庭。太上有命。搜捕邪精。護法神王。保衛

誦經。皈依大道。元亨利貞。急急如律令。叩

淨天地神咒

天地自然。穢氣消散。洞中玄虛。晃朗太元。八方

威神。使我自然。靈寶符命。普告九天。乾羅怛那

洞罡太玄。斬妖縛邪。殺鬼萬千。中山神咒。元

始玉文。持誦一遍。卻鬼延年。按行五嶽。八海知

聞。魔王束手。侍衛我軒。凶穢消散。道炁長存。

急急如律令。叩

金光神咒

天地玄宗。萬炁本根。廣修億劫。證吾神通。三界  
 內外。惟道獨尊。體有金光。覆蔭吾身。視之不見  
 。聽之不聞。包羅天地。養育群生。誦持一遍。身  
 有光明。三界侍衛。五帝司迎。萬神朝禮。役使雷  
 霆。鬼妖喪膽。精怪亡形。內有霹靂。雷神隱名。

洞クハ慧クハ交クハ徹クハ。五ク炁ク騰ク騰ク。金ク光ク速ク現ク。覆ク護ク眞ク人ク。急ク急ク

如ク

玉ク皇ク光ク降ク律ク令ク勅ク。叩

恭請

九天玄姆寶誥

志心皈命禮

三稱叩

先天神姆，上世仙姑。莊嚴妙相，常見娑婆世界。

清淨法身，早登梵剎瑯嬛。玄都天界，繫玉

腰金。員嶠方壺，蒸沙煮石。放無極之神光，

普照群生。運玄元之道氣，化成萬物。功垂今古，德配乾坤。位列九天，掌造化之樞機。靈通三界，司雷霆之號令。慈悲廣大，變化無窮。手持寶劍，斬魔王於斗垣之下。足踏金蓮朝。皇母於瑤闕之中。宏慈宏願，至顯至靈。九天玄姆無極護國元君。三稱叩。

恭誦

九天玄姆治心消孽真經

開經偈

無極三千界

道高居上世

開經讚

玄元運化功

妙相現瑤宮

爐香乍熱。透上九天。氤氳瑞氣繞宮堂前。

奉請高真虔。普度良緣。消孽治心田。

皈命

九天玄姆無極護國元君。三稱叩

爾時

元君曰：人心惟危，道心惟微，危者何？人心勝，而



道心因之紛擾。微者何？道心失，而人心因以梏  
亡。故人心欲其自修自省，無任驚馳。道心欲其  
無怠無荒，時加積累。無如學道者多，而知道者  
少。道其所道，非吾所謂道。慕道之名，昧道之  
實。以此爲學道，其不背道也者幾希。噫！道在  
目前，人自不求耳。揆厥其故，人心用事，而道

心無權，何者？克伐怨欲，四端叢起迭生。而人  
 心所由熾，道心所由昧也。克者，好勝之謂。人  
 特患甘爲暴棄。自暴者，不足與有言。自棄者，  
 不足與有爲。果能有自勝之心，爭勝於天人之界  
 。賦畀賴以擴充，求勝於克復之間。物累賴以消  
 去，以視委靡不振。巽懦弗前者，豈不遠甚。其

奈好字未除，則悻悻以爭勝。所爭者，愈失本真。

。且忿忿以求勝，所求者，無關要蘊。此則小丈

夫所為，非吾道中人也。伐者，誇功之謂。古

大禹，不矜不伐，天平地成，建萬古宏功，猶聞善

言而拜受。無他，聖德愈高，聖量愈廣。聖不自

聖，乃以為聖。且也，聖門

顏子，無伐善，無施勞。蓋以善者，性分所當爲，  
何伐之有？勞者，職分所當盡，何施之有？方且  
有若無，實若虛，欲然時懷不足，所由爲復聖。  
而三月不違，一間未達耳。他如軍後曰殿，捍三  
軍之生命，成一將之功勳。孟之反入門策馬兩  
語，夫子特表其微，降而大樹將軍，猶有斯風。

試問伐者所伐何功乎？有創非常之功否？古昔聖賢，功不敢伐，何井蛙之見，嘖嘖自矜，徒見其不知量也。怨則尤，不足道，君子素位而行，上不怨天，下不尤人，方爲實際功修。何則？怨尤之念一生，則僥倖之心勝，而詭詐中之。抑窺伺之心勝，而奸險中之。且訕謗之心勝，而浮薄中

之。謂天可怨乎？而顯道惟彰，天固不任怨也。  
謂人可怨乎？而公評具在，人固不任怨也。爾徒  
自怨而喪心，心量日褊。爾徒自怨而汨性，性真  
日漓。恐怨則招咎，怨則造孽。爾將以怨而罹奇  
窮膺奇禍也。詩三百篇，溫柔敦厚，怨而不怒，  
深得和平之旨。無論讀書與未讀書，童時蒙塾初

入，有不讀過風詩歟？欲，固爲情之累。貪者，  
戀所欲而貪生。嗔者，拂所欲而嗔起。癡者，注  
於欲而若迷。愛者，溺於欲而弗返。理欲不能兩  
立，欲勝則理亡。學儒者，以克己復禮，爲祛私  
而存理。學佛者，以淨根證果，爲參禪而入定。  
學道者，以斷障除魔，爲明心而見性。欲字一關

未破，則三教工夫無從下手。聲色貨利，日紛紛於徵逐之場。得失窮通，時擾擾於觀望之際。如是，則爲機變之巧者，無所用恥。且爲穿窬之行

者，殆不知羞。余自設筏濟度以來，無非以聖賢階級、仙佛筌蹄，深有望於天下人，特患甘自鄙薄，克伐怨欲之心未加修治，甚非任道之器，有



辜學道之名。道於何學？在去其人心，而存其道  
心。人心者，克伐怨欲所見端也。道心者，仁義  
禮智所同具也。尚其返而自審焉可。

偈曰

朝乾夕惕意精虔  
立法度人崇教道

勤誦經文句句鮮  
心明體潔絕塵緣

元君曰：無心者謂之過，有心者謂之惡，過出於不自知，惡成於有所恃，所以有過，許其自新，懺悔之條自在。爲惡降之冥罰，禍淫之律難寬。要之，上天以好生爲心，豈有生之，而反殺之乎？書曰：天作孽，猶可違；自作孽，不可逭。非天之欲殺人也，實人自作孽而已。孽者，惡之積也。

怙惡若有不悛，作孽豈不滋重？人亦何苦自貽伊

戚致孽，或報於自身，或報於子孫。迨至流禍無

窮，殃咎疊至。因之，罹刀兵劫、罹水火劫、罹

疫癘劫，不特一身難保，而且子孫貽累。

易曰：積不善之家，必有餘殃，殃未盡者，必不

能昌。言之可為太息。且人皆有天良，各具性理

斷無明知爲惡，而故蹈之者。無如貨利之心中  
之、聲色之心中之，因而憧憧擾擾汨溺無已。貪  
嗔之念勝之、癡愛之念勝之，因而倒倒顛顛沈迷  
罔悟。如是，則貪酷甚寢，而爲刻剝之惡。淫蕩  
甚寢，而爲奸邪之惡。猖狂甚寢，而爲強橫之惡  
。且也傲狠甚，而暴虐之惡成。殘忍甚，而險毒

之惡成。澆薄甚，而詐瞞之惡成。奸宄甚，而吞  
噬之惡成。至若不忠不孝，元惡大憝，律在不赦  
，則不足言矣！噫！且三代下，世風日薄，人心  
不古，雖曰運會使然，要亦人事不能無責焉，大  
抵皆習與性成，近君子之日少，親小人之日多，  
交遊不慎，比匪成群。

孔子云：群居終日，言不及義，好行小惠，正有感  
於斯耳。無他，未聞善言，未見善行，所沾染者  
，無非惡類，所睹記者，無非惡事，以致善心日  
滅，惡心日熾。惡有成於不自知者，惡有成於不  
自檢者。今試執人裾而道之曰：爾說某言是惡言  
，爾行某事是惡事，未有不怫然怒，勃然忿者。

孰知？爾不自以為惡，其惡實深。譬如酖脯之毒，中於肺腑。且如鮑臭之腥，習於口鼻。不知不覺，叢惡為孽，積孽為禍。陽則干王章，陰則罹冥譴。高明之家，鬼瞰其室。豈無廣廈華屋，不再過而為墟者矣！豈無鳴鐘列鼎，不再傳而凌替者矣！人生世上，不過數十寒暑，何不返而自思與

其為惡而罹殃？曷若為善而造福？禍福無門，惟人所召。

太上有云：感應之理昭然，爾等雖巧於盤算，豈能

如聖佛之算，毫釐秒忽，一一不差？爾等雖工於

度量，豈能如聖佛之量，抽補扣除，在在分明？

人即可欺，而天豈可欺？人即可奪，而天豈可奪



？所願各存天良，各葆性理。勿為情誘，勿為物  
動。○ 平旦之氣，無失幾希。○ 屋漏之神，勿貽譴責  
。○ 勿以小惡為無傷，則小懲大誡。○ 放下屠刀，立  
地證佛。○ 天亦何棄於斯人，而拒絕之不已也。○ 尚  
其知所猛省焉可。

偈曰

天堂地府路相通

升降由人立過功

作惡不如勤積德

施仁樂善感蒼穹

元君再曰：無心者，謂之過；有心者，謂之惡。過與

惡介在幾希，所爭只一間耳。人非聖賢，孰能無

過？出一言，而過即伏之，所以貴守口也。行一

事，而過即乘之，所以貴守身也。一言有不及檢

，口過由於不自覺。一事有不及防，身過由於不自知。是則觀過知仁，未嘗不略其跡，而諒其心。心，果無他，則口即有過，而其心自可白也。心，果不貳，則身即有過，而其心自可原也。戒慎不睹，恐懼不聞。慎獨工夫，非不於至微至隱處，深加檢攝。亦謂守口之嚴，持身之密。一出

言，而遠口過。一行事，而泯身過。然此可爲君子道，而非所概於世人也。不必求其無過，而祇求其能寡過。不必求其寡過，而祇求其能悔過。不必求其悔過，而祇求其能改過。知改過而悔過，因之知寡過而無過，因之知悔過而寡過，因之知寡過而無過，由勉幾安，即難求易。

孔聖有云：過而不改是謂過矣！所望於世人者，如

何悚切？如何詳明？口有過，而易時已知，宜勿

蹈夫前轍。身有過，而逾後已覺，宜勿狃夫迷途

。往不可諫，來猶可追。所由守口如瓶，恐其滿

而易溢焉。持身如玉，恐其玷而難磨焉。先謹省

於未有過之前，勿使其潛滋暗長。並痛懲於已有

過，勿使其迭起叢生。是則改過爲大關鍵，因改  
知悔，因悔求寡，如此則無過，不敢言而無大過  
，其庶乎？不然。昏昧者，無論已。其有剛愎自  
是者，明見爲過，而堅意獨行。抑有掩飾爲工者  
，顯知爲過，而操心莫測。於是有護其過，諱其  
過者，未有不流爲文過之。小人恐積慣自然，彼

將不知爲過。要之不知爲過，過所由而日深也。  
不見爲過，過所由而愈積也。過既深，過既積，  
將不謂之過，而直謂之惡。無他，無心有辨  
之不可不早也。吁！既謂之惡，即因以生孽，且  
因以獲咎，近報則在己身，遠報則在兒孫。其始  
祇由纖毫之過而起，豈不可惜也夫？豈不可慨也

夫？

偈曰

聖佛慈悲度善良

至誠合掌獻心香

真經引路文雖短

凜守箴規萬世昌

書云：德無常師，主善為師。所貴乎善者，出一

言必曰善言，然猶其發諸口也。行一事必曰善事



然猶其措諸身也。出善言，安知其誠偽，論篤  
色莊，由是判焉。行善事，安知其虛實，正誼謀  
利，由是分焉。以此知，言雖善不足為據也，事  
雖善不足為憑也，要在心善而已。時存善心，凡  
有言自無不善。即未有言，而善機無不默含。時  
存善心，凡有事自無不善。即未有事，而善念無

不堅矢。所由說好話，行好事，在存好心而已。  
近世以來，運會遞降。習尚愈趨愈下，方未知伊  
於胡底。要之，欲挽天心，在修人心。天定固能  
勝人，人定亦可勝天，天人一理。人心日存惡念  
，則戾氣應之。凡如雨暘失時，釀為沴厲，以為  
天降戾氣，實則人心召之也。人心日存善念，則

和氣隨之。凡如和甘應候，兆爲豐稔，以爲天降  
 和氣，實則人心感之也。正心由於誠意，誠意本  
 於慎獨，是以戒慎其所不睹，恐懼其所不聞。  
 原以靜養此心，默斂此心，堅持此心。靜養者何  
 ？養其心於平旦，期此心之葆其善。默斂者何？  
 斂其心於清夜，期此心之擴其善。堅持者何？持

其心於暗室，期此心之儲其善。歷觀儒家理學工夫，從實處修踐。道家玄妙工夫，從靜處修持。釋家空寂工夫，從虛處修證。究之，皆在心上用功，無非欲此心之無不善。儒曰：正心心善則心正焉。道曰：淨心心善則心淨焉。釋曰：守心心善則心守焉。三教本自同歸，徹上徹下，理無二

致。所爲世人勗者，不必言希賢希聖，不必言爲  
仙爲佛，祇此迓天和而修人事。總由時積善心，  
而言自無不善，言者心之聲，亦行自無不善。行  
者心之表，如是優焉遊焉，日享昇平之福，豈不  
樂也夫！

應驗曰

誠誦治心消孽經  
誠誦治心消孽經  
誠誦治心消孽經  
誠誦治心消孽經  
誠誦治心消孽經  
誠誦治心消孽經  
誠誦治心消孽經

一家安泰獲康寧  
魑魅魍魎永滅形  
父母壽算得延齡  
過往先人可超升  
水火刀兵永不侵  
坐禪深夜道心清

誠誦治心消孽經

誠誦治心消孽經

誠誦治心消孽經

完經讚

三災八難永離身

國泰民安慶太平

善功圓滿作神明

治心消孽。福壽延綿。經功完滿樂無邊。瑞氣映

金蓮。恭送九天。濟世泛慈船。

九天玄母無極護國元君

皈ミ

命ミ

。

三稱叩





踴躍助印 廣植福田 功德無量

